

變

雅

堂

遺

集

變雅堂詩集目錄

卷第一

五言古詩

感遇十二首

從軍樂

鍾山

九日臨高臺詩

苦雨詩戲和汝修來韻

勁草堂詠史闕得蘇雲卿

壽趙魯望

孔雀菴初度

奉贈□□觀察

贈陳寒山社長四十韻

臥病江陰周仲榮宅仲榮出其一二令女畫冊相賞贈之以詩

驥渚中元日社集閒雲精舍同薛千仞錢開少祁止祥來元成各賦古體兼呈木叔

毘陵晤薛諧孟社長

飲孫氏山莊同木公開少諸子忽令君寒山先生遣役相聞遂過共談甚暢相與賦詩

晚步放生池

寺寓窗前秋海棠一本嬌淡可愛偶詠及之

游靖江孤山

孤山迴舟

虎邱

半塘

奉贈錢牧齋先生

同張醒公楊無補金孝章邱令和潘麟長虎邱游眺作
吳門追憶昔令袁中郎先生及受命未及任之劉同人
兼書所慨皆楚產也嗟乎

送琬林妹丈還楚

奉贈馮畱仙先生

題霜菊卷

夏夜聽公允彈洞庭秋思

寓園卽事

贈孫無言因送之吳門

送王阮亭北上

田家雜興

謝公墩懷古

周元亮南還以孝升先生送行詩見示依韻和之

詠史得謝翱

三君詠

紀懷詩

鳳凰臺懷李白

贈別葉桐初

捷兒從江陰歸金陵

尋第五泉

春日雨中讀班史有述

石頭城西修竹菴看牡丹和魏惟度韻

游夾山漾

九日一草亭時將與天章別感賦十六韻共用日字
春孟同匡侯孝威孟新致巢諸子怡園分韻

二月十二日李匡侯招同鄧孝威范汝受於高座上人
房同用青字是日郊外仙子甚鬧

春日登橋西亭子讌游因望冶城一帶同諸公限韻

卷第二

七言古詩

聖德昌

江水清且深

無渡河

關山月

送將歸歌答方密之

合歡歌爲密之

醉歌行呈曹秋岳龔孝升鞏鴻圖諸公

別傅山貽

朱將軍騎射篇

雨霽邢子孟貞來歌

大椿樹歌

書黃甫及冊子因贈

公允屢招擊時鮮戲爲歌

言目
贈剡公

賦得烏啼白門柳

衡水梨歌東謝趙子

歸不得行

唐港耕人歌

快哉行

同心念一老歌

後快哉行

觀棋行

歌答宗無齊兼爲別

柳冠道人歌爲張子虞山作

送鄭肯巖先生北行時聽王郎琵琶口占亦名琵琶行

揚州春

揚州客

揚州雪

揚州草

揚州炭

五日歌賦謝顏衡山

樵青歌爲黃仙裳作

一杯歎

言目
五
賣船行爲施愚山作

典裘歌爲侄廬中丞賦

初聞鐙船鼓吹歌

悲哉行贈余子生生

卷第三

五言律詩

聞子規

園霧

答緯之

逢子桓

畱別張樞下

贈陳淡玄侍御

贈張瑤星錦衣

次韻答陳伯倫惜別

聞黃石齋先生賜環同諸友用魂字

次團江

贈沈彤菴大行

夜坐方密之署齋論詩有懷楊龍友范仲闇李舒章時
余將別去

客京師數月朝夕密邇惟錢漁叟錢與朱越流同寓至

是將散去總括情事得詩五首與錢竝及朱以爲笑樂
至詩中曲折惟余三人知之耳

馮沛祖以五經卷見貽報之以詩

贈周穎侯穎侯再約同舟南歸余皆以他羈不果踐

閱穎侯詩

蜀中劉念先死三年矣在時寓白門每當園中海棠盛
開輒置酒請余賞之諾賦一詩未踐也津門同寓友有
習念先者爲道其生平及其令上海開河便民狀怛然
賦此報念先地下焉

過滄洲大風

梨花集再用冰字

早寒三用冰字

莒州道中四用冰字

穆陵關

至清江浦

歸來

元日

自咏除夕元日詩

讀孟貞詩題其卷右

二日阮仙有作依韻和答

生日依韻和答歐陽次公兼遲周農父方直之未至
孔雀菴初度又申置酒與治剩公過談

夕警

送賀文凱歸竟陵

送歐陽次公歸潛江

聽公允琴

雨後集合露堂言別論文分得畱字

次日再用畱字

又用嵩少然字

又用德人單字

答金五鍾卽和來韻

懷山堂論詩

試杖戲作

偶然小飲和王歙州

李匡侯載酒過草堂

早春同匡侯孝威飲劉氏園

花時賞緇袍

坐顧輿治新齋

林茂之偕家兄方朔小飲借石齋

夏鶯

午日書思禹厯齋中聽胡安士彈琴和韻二首

芍藥十首

送龔孝升先生北行

看苦戲

孝章至自吳門過訪雞鳴山寺登閣遠眺

秋日訪睂照上人用孟浩然義公房韻

乙巳清明日飲吳漢槎海棠下

贈魏子存

真栖攜錢過草堂酌我時余自滁陽返真栖自武昌復來

花木菴同蒲道人啜茗

寺樓雨中同亦史翼微來鶴桐初作

古樹

十二月十五夜至瓜渚宿魏氏榮露堂與其喬梓卽席

共賦

送吳舫翁游黃山

哭李鄴仙

送文止峰歸楚兼祝初度

戊申正月十七日逢初度雪中子婿小酌桐初後至同

用花字

生日羽南送魚酒有詩戲答

己酉仲夏天章忽自淮陰遠訪薙髮而僧喜餘有感成詩

清明八日立夏同惟度南郊看芍藥卽事

送魏惟度偕吳星若西湖結夏

春日獨酌有懷素園

仲春肯厓再往草堂小酌承示佳篇依韻二首

舟發武康

曉發過湖州有懷園次

癸丑中秋前一日過蘇嶺席上爲五舅父壽

馬節婦

馬伯和宅海棠分得醒字

伯和落一齒有詩爲余誦之復用其才字

雨中再酌伯和齋

僧舍

送孟貞

送萬年少返吳門兼訊姜三如須時余亦將于役

介立上人房同子諒

酬盛子山雨中涉水過飢鳳軒作

客廣陵偕季平園次子久集介子園圃同作九日

聞雁

孟貞過黃州有作見懷感答

就枕又作

鐙前懷亾室

尊五童子宋桂以農忙暫歸全椒

七日會飲送秋屏之全椒

向願書宜乞火米

送五舅歸黃州

蘇嶺書齋逢陳北固表弟卽送歸里

虎邱舊寓追憶張醒公楊維斗許孟宏楊曰補諸子

長干塔下看月同師一上人

丙辰長至前一日上花笑軒晤蒲道人因成一詩

北山啜茗

孟夏客真州宋子右文招飲江深閣同紀大蘂子

偶見詩選有昔年仲兒世屢燕子磯詩鐵積千年石湖
歸萬古痕之句驚歎淚下一詩傷之

訪奚蘇嶺表弟於澄江官舍

蒼峴邀泛梁溪

花時貰緼袍

泊秦郵贈劉雪舫

送歸元恭歸吳

中秋讌李三友池上

八月八日同天章任公飲虞山張子齋中歸經一草亭

夜談紀興

登多景樓

過昭關題壁

題蒲道人亭子壁

柘皋早發

天章酌我

信宿燕磯山閣大雪逢初度作

邂逅張子酒肆夜歸寺寓踏凍作

倦圃詩爲秋岳賦

清明客瓜渚作

含山道中

甲子仲春飯壽福精舍賦謝練江和尚南枝法嗣

春日景濂池上

青岳寓園海棠下同秋水作

瞻雲堂同素園用晴山二字

遭跌傷甚秋水惕齋枉問賦謝

逸叟招同桀叟瞻雲堂看菊

東熊青岳

幽棲寺

鴈九日敬修過存息交堂卽事二首

友人過晤率贈二首

丙寅季冬酌公調紅梅下同用紅梅二字

丙寅陽月尙默載酒問病賦謝

立冬前一夕小飲月樹齋

丙寅除日和熊愚齋韻

丁卯客維揚汪蛟門見招談燕之作

喜晴五月二十日同蔣伯子

送北固表弟歸楚

古杏花邨尋友

于一過訪

于一過訪因園同韓臣前民作

秋雨

哭邢孟貞

長干阿育王塔詩

賀黃澹巖初度時方考選

卷第四

五言律詩

鵬雲案此卷舊名倦游草與下別興詩三山游詩兩卷皆先生自編胡本原附卷末今類附五律後以歸畫一

揚州教場寓樓坐月

樓夕

二十夜月

家信

九月初七夜因圃看月同前民

九日晚集因圃同韓臣作

樓雨

晴

半草亭爲侶黃新居

眞江雨泊因傷亾友金沙于子秬

十月一日晚愁喜家兄方朔過寓齋賞余游什

和兄作

秋日同靜能前民上雞鳴寺後湖亭感興兼懷蜀友范仲聞

送軫石竺生返廣陵

雨

清涼山寺逢僧號掃葉者贈之以詩

寒夜方朔兄過談

冬夜宣城梅杓司過訪畱宿寓齋同作二首

別梅石三兼勸其歸響山并懷次尾伯宗兩亡友

公調來自虎臣先生所說先生亟稱我詩且惓惓期我一悟感賦

贈蘇伶王子玠

賦得別家逢逼歲

渡江再過金山作

卷第五

五言律詩

別興三十首

茶喜

卷第六

五言律詩

三山游詩

正月十三夜至瓜渚前民攜酒大觀樓憶是早別軫

石郡城予以明日過京口

元夕江樓看月

金山

妙高臺無月

金山曉陰有懷亡友王二雪蕉

登金山塔六首

北固

詩目
五
宿北固山下菴此地昔年曾屯水軍

北固山逕同軫石二首

招隱寺

白龍洞梅

山行訪梅不得到竹林寺

鶴林杜鵑樓書感

焦山六首

題江岸避風館

月夜重游焦山

眞州新城賦得十里桃花畱別軫石前民

軫石生日同前民送酒一壺戲作口號

聽軫石琴

前民生日得四首

雨過于一紀所見兼慰之

從石塔寺過紫峰繫所有述

諸子偶集同賦春晝

過朱園有懷麓翁先生舊址

再聽王子琴時余將別去

新城書感示蔣子

春草

輓周忠烈大參

晚泊黃州

卷第七

七言律詩

乙丑季夏傷足伏枕歷秋未瘳屢荷素園見顧殷殷偶
畱小酌限作二律同用知秋二字君詩先成依韻和答
越二日素園載酒過豐詩謝之

送秋之集再同鉉升練江南枝用知心二韻

又疊知心韻

幽棲寺和韻自寄昔游

答贈鄧方回

和蘇嶺梁溪邸中夜望

秋日登周處臺

至廬州與孝升相見作

移寓書懷

立春日過虎邱卽事

乙巳正月一日

和孚夏枉訪贈章兼貽酒炙元韻

十月十日蔡鉉升載酒飲我於病榻練江南枝二詩袖偕至

言
七
登燕磯亭子和愚齋韻

弘濟寺尋蒲菴

再依韻和燕子磯作呈愚翁

再送李三友之金陵

丁叟河亭用錢虞山韻

久遲孝升先生於白門至是自東粵使旋相見喜而有
作

感秋

雨中子任移尊寺寓同雪舫前民永清淡洋賦

肥水先生忽有居

前民草堂

南支開士見懷依韻和答

燕磯感舊

懷山堂論詩

爲陶象庭將軍殉癸未寧前之難作

輓曹秋岳侍郎

楚社秦淮泛

雨集劉阮仙署試燈步其元日韻

寄胡孝緒太守

聽琴次韻

雪夜戲用蘇長公韻效徐渭體

贈包又申

三弟三十

賦謝范質公先生

沙河待濟袁令昭先生見余至喜甚以同社元歎諸子

先字韻詩屬和

又用先字嘲令昭時七夕後一日

重陽後二日過別如須密之亦至分得長字

張介子招集與治庭梅下分韻得人字

出城至靜海寺喜黃石齋楊機部兩先生皆寓其中黃

先生留飲同楊先生至夜余辭去留詩爲別

雨中至邗溝不得晤超宗超宗遣人問勞遺酒脯約以
明早過余余卽夕解纜矣悵然懷之

壽姜如農先生

送王孫茂之廣陵于一子也

卷第八

五言絕句

齊宣王墓

鄒方魯閭上同子桓

菱湄舟中偶成

和懷古

魯仲連

張子房

嚴子陵

郭林宗

諸葛孔明

祖士雅

陶淵明

張巡

司馬君實

周茂叔

蘇子瞻

文文山

泰州絕句

移寓自嘲

乙巳臘盡還南寓戲爲口號

酌天章

梅下

爲斯上人題帳

卷第九

七言絕句

王嬌故里

燕丹故里

樓桑

竹枝辭

寄弟晉公

聞友談水東之勝

登樓戲東阮仙

送阮仙於燕子磯而別

和阮仙韻

同舟周天行出便面索詩用前韻

于子程納姬前三日戲爲催妝

花燭辭

醉中口號

兒子晬盤其母求百餘文爲餅餌之費不能應懟而自行稱代爲之余飽食不慚而已

聽韓生說武宗平話

侯園觀家樂童子乞詩

夕陽

題王阮亭冶春詞後

莒州

聽西陽土司陽卿正經琴詩

題鄭肯厓先生漁舟圖率成四絕並志感贈

今夜

梅花

乙巳八月十六夜

題朱林修塵外樓圖

贈內弟王雪洲太史

龔宗伯座中贈優人扮虞姬絕句

秦郵旅夜李鏡月閔賓連載酒

賀應阻冰

再客戲東鈍人

淮陰送別徐松之

宜陵別蔣前民

送龔孝升至燕子磯

今年貧口號二十四首

卷第十

七言絕句

攝山游詩

此卷爲先生自編今類附七言絕句後

出太平門

道中見棲霞

梁武疑冢

般若臺

佛殿

紫峰閣

閣前月臺

遺谷

千佛巖

桃花澗

同前民坐月峰頭

白雲庵

霞髓

山下

礪邊

松蘿

白鹿泉

伽藍

夕陽

則吾庵

與庵僧

與山別

歸路月

山游歸寓同諸子到門喜緯之忽至

書僧筵

茶村先生詩集久無定本黃州府志箸錄六卷南皮尙
書書目荅問箸錄五卷雲均未見究未知何本也今通
行者惟黃岡陳師晉漢陽彭湘懷二人所編入卷本及
永康胡月樵觀察所編十卷本而已編次義例殊未盡
善私竊病之意欲重爲編校於分體之中厲編年之意
以爲定本而卒卒鮮暇日故仍依胡本付梓惟錯出不

倫者稍爲移併仍未敢以此爲定本也先生著述手定

凡四十七冊

見方侍郎所作

不幸爲仇家購而焚之故所存

止此然亦足以傳先生矣光緒甲午秋八月潛江後學

甘鵬雲斟畢謹記

詩目終

變雅堂遺集

詩一

黃岡杜濬

五言古詩

感遇十二首

屏居寂無營抗意酌元始開闢何年月直下捷如矢叔
季固難名但聽多瑕訾細人競不慚烈士務有恥鳥喧
孤鳳鳴雲滅神龍尾大賢經緯心常恐失其旨所以李
伯陽著書就尹喜

今古用成塗俯仰界多歧唐虞揚側陋殷周重華支董
賈抒偉策燕許逞豪詞天匪不極高升者各有梯之子

言一
隱帷幕霜雪則見欺梅華故山遠春草王孫遲惟有年
年雁與人同此時

山中有一士妙歎氣若雲一歎翔落木再歎靜飛塵三
歎與四歎悲感泣四鄰饑者忘其餐樵者忘其薪借問
何爲爾歎歎豈足論

幼齡好神仙殫志究寶嗇觀我至無朕辟穀長不食身
輕日自覺八公來有席束髮忽改圖愛面空門壁肘後
繫楞嚴龕前同彌勒稍稍悟本源三聖趨一極永懷道
精妙頗苦塵務劇六籍亦塵埃斯人誰暇哉

古哲造明鑑賢者資爲妝美人摘芙蓉顏色暗自量蕭

艾學瑤草日暮徒不芳奈何夸毗子爭欲反其常騶虞
避生卉鳴鳳栖高岡興來聊一醉豈得謂吾狂

鄭女惜荆釵班姬惋團扇人心守故常天道豈不變羣
生笑甯戚高歌堯舜禪一朝佐齊桓建樹只就便聾人
迷雅正昧者混素絢本不入金閨有何長門怨

晨風亦有林暮雀亦有枝奈何客遊子掩者非吾扉虞
羅張北山脂粉饋東施踈踏黃農想優游歲寒悲駕言
三山遊肆意吾所之

夙有業捕魚飽聞漁者言東海有巨鱗一骨彌通川有
愚國王子朝往過垂涎費國結一網網成被桑田物大

言一
用亦大揆理豈不然悠悠隱大賢制科三百年

澤南產豫章台抱千人圍上枝礙日月卑枝搏煙霏工
師疑靈憑言笑不敢施楚起章華臺齋戒栽一枝栽處
尋不識江海翠葳蕤未卜眞宰胸存想奚所爲昨聞君
王恩選草陪園葵蟠根走吳會無由入盆池時舉行拔
貢余以客
畱不
及赴

吾求古賢意冥如隔羅縠往往得譬喻坐覺意言足莊
周喻解牛騶軻喻治玉各秉天機裁不遭人事辱世閒
肉食兒可以喻食肉值書四面看豈分中與角

庭前孤梅根移自羅浮鄉歲歲開爲雪宵宵凍抱霜非

無春風來意遠不相當寄謝桃與李何其矜豔陽

桃李著處栽蘭茝並日薰所以楚中橘遂爲天下聞在
遠旣難訪越鄉竟無鄰常恐化爲枳枝葉非我真

從軍樂

囊薪復持糜偶旅重且仍道逢西鄰子遙遙識君聲向
前睹君色不類當從征腰間亦有刀竿上亦有旌煜雪
擁道周欲問久躊躇多君顧之笑爾不達我情男兒生
世閒皎如天上星君恩苟不報飽暎歎與禽恍異行復
顛惟有三冬蠅壯髮外衝直熱血中碣磳但願一見賊
展我手中能指臂且不顧有何墮層冰君探我鐵衣烘

如吳松綾我皇重相念自感我皇德皇縱不我念我亦
豈絕國逝將梟賊頭沒齒寢馬革羞學我上人千金聚
孤腋還看家下妻佩服敝輦翟一朝聞賊來匍匐爨下
匿

鍾山

鍾山今古姿時代不遑計夙聞嬴皇前王氣久根蒂如
何十年閒秀正多吐棄六朝如斷苴驪珠飄莫繫南宋
踏浪兒竭來時已替誰肯問隋唐秋草轉孤細白鳥飛
愁煙紫色閨螭蟠端疑此山心永闕終古契誰知恪相
待森炳日月麗真龍起淮甸勁尾掉天地雷雨洗塵鱗

鐘鼓醒酣寐乃知潛確德茲山實隱寄所以宅王城如
龍貯鉢器遊人未入城翠色先引跂每當落照閒猶吐
半天霽瞻愛生恭敬杖履所不逮豈徒貌似龍肩取葉
公覲

九日臨高臺詩

國博范仲閣先生招集
雞鳴山望湖亭訂社

白門塞見聞煙火與金碧出門苦不曠斯言豈謂逆此
日登高秋萬象泯如革孤亭雖不華喧寂界一壁向所
憎營營俱付亭後積耳目暫得清朋好況相迪或昇陶
公輿或臻謝客屐眼色坐來秀湖光明可摘觴起念千
秋放者忽然惕兵戈亦不休中腸雜感激自用令節寬

薄取旅懷適山水奔知音絲肉屏奇癖山僧獻籬菊風

味盈几席乍驚梅早紅不奪孤秋色

時梅花盛開友人何仙衡攜膽瓶折

枝爛若丹砂至席上索九日紅梅詩

君看少年頭亦有鬢毛白漁迴浦口

船樵起草中笛晚霞明正冠永謝嘯侶力

苦雨詩戲和汝修來韻

苦雨欲終古客愁浩無門此去衣裳單況離朋友溫白
門旣羈旅又有妻子存米少持作糜白水不得渾丈夫
則忍饑腸轉口不言孰是小兒女嗷嗷皆見原頗遭童
僕罵孰知天地翻昕夕顰兩眉起坐如有冤束身付知
已令人懷古恩一飲竟十日歸魂常夜奔憂心不可解

執手復焉論

勁草堂咏史闕得蘇雲卿

丈夫霹靂手不提百萬師則當藏農圃旦旦持鋤犁遐
哉廣漢翁隱跡東湖陲交期許管樂獨善無磷緇長於
知小人是以百不爲圃外無雜營安得不華滋繼之以
織履暇卽閉門時高枕極恬淡世事知我誰

壽趙魯望

中年漸昏妄游世如虛空謠詠從黽勉老苦此無聰肝
膽本貴物安能苟相從伯氏交最久久敬如初逢仲氏
交尙新情親故舊同今年始二旬有作追王風辭賦豈

言一
不偉朋友恥爲容逐物等蜉蝣聞道乃喬松

孔雀菴初度

三
僧堂鐘鼓發塔然驚我辰我辰三旬餘招手見四旬十
年在客中衣澣數斗塵每從應接際暗笑此幻身有鬢
不得霜剗削以效顰咄咄聖與天依倚成假仁讀誦破
千卷往牒紛然陳盤古至今日曾見幾陽春由人安用
天旣天何貴人乃知諸相中不可爲良因斯道狹終古
嗟我慚六親聊隨茗帚緣結此梅花鄰一盟事遂已百
年誰不新山鳥爲吾歌齋罷酌醪醕

奉贈□□觀察

楚橘不踰淮芳洲產蘭若吁嗟十年客身世兩飛蓬晉
用慚瑚璉退耕乏邱壑賴有同心友平生寄謔日事
大夫賢豈徒羈旅託廷尉漢丞相僕射唐黃閣允爲文
武憲兼有風雅作洋洋表東海汲汲式南郭介紹獨不
羣故無干謁作畜眼到今日貴在見管樂疏慵成痼癖
知己乃良藥願言謝故人斯貺豈不薄

贈陳寒山社長四十韻

昔文敝隋季漂流逮初唐太宗英雄人厥調亦披猖才
多不起衰盧駱與王楊咄咄蜀梓潼挺生陳子昂健筆
幹元化直聲挾風霜著文百軸餘碎琴大道旁沈宋旣

傑出李杜始翱翔後此垂千年吾復睹寒光其人陳寒
山天骨森開張狐鼠徑盡掃鸞鳳音獨倡吁嗟在有明
作者羅詞場小輩不足言大者誰卻臧崆峒不入室喧
呼隔官牆指爪誠不輕搔處自木僵文長習雕豔眞宰
散茫茫中郎特好弄脫手忽如忘伯敬貴幽思譬如元
酒漿五味皆不和冷暖祇自嘗淡極反成腐慧淫良已
狂此皆涸水鱗腹濡鬣不藏何況二三子一望茅葦黃
退筆已成冢觀書未盈箱豈無食古愚作字不成行安
得跋浪鯨天風振琅琅旣清亦以厚盡變還復莊讀者
如飲醕意圓志則方儒生會大旨才士取斷章標異釋

從鄭解頤說任匡要令一代史與此爲紀綱寒山實如
是把帙心清涼昔者客金陵每以語錢郎開浮蹤久自

疑孤陋虛方剛雲安有杜宇成都無草堂已驚楚塞遠

更覺燕雲長愁來一斗酒白飲澆迴腸卻顧四海人隨

風皆飄颻伊人惟嶽如縹緲千仞岡限此衣帶水何能

不裹糧掛海向天流神氣始一昌應多匣中祕願言授

子房

臥病江陰周仲榮宅仲榮出其二令女畫冊相賞贈之

以詩

爲男切忌才爲女不妨慧女慧如優曇男才見疣贅自

余客留京兩者無一契且幸男頗愚終思女絕藝闔仙
不常謫凡女豈能蛻昨喜晤神交荆扉納我閉安歌病
卻侵遂遭牀褥繫榮公仁者心發篋洗凝滯裝潢霞錦
爛一望已妙麗開函光照榻白燕杳然逝鸚鵡忽不言
勁尾掉狼戾奇毛森杳來嘉樹成次第動植無隱情天
淵皆各勢蜂鬚與蝶粉花光及果蒂宛繇一氣轉不覺
羣形細蹟豈耳目經幽疑鬼神替更貌古高流清風動
衣袂誰知香閣姝儼然論其世矧予多未見方圖秉燭
繼揣其矜詡情何異文士綴乃吾聞二媛靜好琴瑟際
劈掠竟無聲時聞舛喚娣則知學古家誦讀久磨礪針

紉化筆墨超然無俗諦作詩表靜才兼爲才侶計

驥渚中元日社集閒雲精舍同薛千仞錢開少祁止祥
來元成各賦古體兼呈木叔

素秋屆流火團月臨海門牛女事既往友朋誼相敦匪
徒羣彥集亦樂故人言作者爲陳思體式誰爲奔亂世
有化國涼堂開芳尊歌舞卽千載聚散古人魂慨然重
斯會直諒無寒溫客心豈不遐戀此如有根颼颼林響
交寂寂孤鳥騫仰視蟾兔皎眾星何以繁

毘陵晤薛諧孟社長

論別昔何處自我賦西歸高篇枉霞紋賤子正荷衣睽

言一
攜三五年清塵安可希分當隨雁北力不具鞍韉意外
得東遊驅我非獨饑故人謝簪紱述作還荆扉散步愛
樵逕橫經卽漁磯聞此坐相悅斯情安可違登堂修古
懽千載仰音徽

飲孫氏山莊同木公開少諸子忽令君寒山先生遣役
相聞遂過共談甚暢相與賦詩

出郭路幾何主人具扁舟秋水不滿陂夾岸林塘幽蒼
蒼見修木同侶知所投灑埽置尊酒真氣驚一邱繇來
十畝閒高轍紆賢侯徒御亦能靜禽魚好無尤談笑在
衡門涼風西悠悠樹杪蔽殘署樹根見平疇稻香不可

名欲咏還復休行人上夕陽遠視忽如浮空原似聞響
餘聲帶清謳坐見治平在醉忘羈旅愁冠蓋昔何侈陋
彼西園遊

晚步放生池

寺後度一橋窅然林木深向晚獨散步如聞山水音下
卽放生池魴鯉共一潯山僧戲投餌倏忽起魚沈不貪
以爲寶大哉仁者心

寺寓窗前秋海棠一本嬌淡可愛偶詠及之

月照復露滴吐此娟娟花輕姿乍若無濃豔乃莫加綠
葉閒紫莖如波散綺霞影靜寺鐘曉愁隨寒日斜紅藥

言一
當官階芙蓉生水涯遂性各有處盆罌何足誇

遊靖江孤山

邱壑性所耽未嘗棄拳勺矧茲江海間一石頗巉削隔
宿嘯遊侶凌晨理芒屨舟行屢延望先見惟赭閣旣登
必造顛長江四迴薄梗斷詫一方風沙年代作左瞰特
無際舉手揖海若遠水流下天餘波噴爲壑綠疇亦云
廣晚田猶未穫孤城炊數家厥狀如舫泊降尋及山根
了見夕陽腳古苔詎人繡恠石倚天鑿逐景至於晏會
心方命酌寂寂無人知秋英澗中落

孤山迴舟

壩岸了未霜千林萬林丹乃知是返照風色蕭蕭寒林
開水風會光響生波瀾輕舟左右如紫翠非一端謂已
去山遠迴首猶煙縠片月隨煙生忽復殊所觀竹柏一
澄影明河雙逝湍靜見沙上鳥馨聞谷中蘭朝遊倘夢
中墮此清漏殘船窗露濕衣四座更言歡斗酒已復盡
餘興猶盤桓

虎邱

眾樹勢插天鬱然爲虎邱佳哉寺門路步步登清秋石
骨四經緯檻廊卽綢繆英雄氣飛揚劍去池空畱徒見
可憐水窈窕碧悠悠石以平更奇千人詎知繇如遭巨

靈扃截蘊根始休俗節重三五升歌錯觥籌自古吹簫
人堆積北邙頭惟當中夜起靜看明河流煙樹何蒼蒼
悟者登勝遊

半塘

虎邱連半塘五里共風光此時素秋節遠勝三春陽西
風埽不盡滿路桂花香

奉贈錢牧齋先生

古法所不傳斯文及劍舞非無雙龍精入手但旁午六
籍俱在世後生昧規矩作者握靈蛇徒令觀者苦於戲
古之人餘輝照塵土虞山信人傑獨往實深睹一揮彫

雜門力宗遷與愈出入歐曾閒鏗然秉匠斧余也嗜其
文孤懷末由吐何期虎邱月一沃龍門雨哀言不遑他
此意正千古

同張醒公楊無補金孝章邱令和潘麟長虎邱遊眺作
十日住虎邱佳處猶未登繇來清興發端必仗友朋數
子過門呼齋罷翻然升是日不晴雨輕陰靄森澄仰瞻
青紺逼回見坡陀崩大地惟蒼然秋光知幾層漠漠上
有空去鳥直如繩前雲體方變後煙勢復凝霸氣何虛
無樵歌今代興寂寞遠谿水明滅如吳綾眺聽情必周
指點理難憑惟當談溟渤使我寥廓增

是日無補
述觀海狀

吳門追憶昔令袁中郎先生及受命未及任之劉同人
兼書所慨皆楚產也嗟乎

中郎宰吳年賤子未生日後死雖不才前賢事頗悉官
清但飲水名大因走筆傑哉文人操凜似衲子律同時
茂苑君相好如琴瑟至今餘清風雙照洞庭橘一往春
秋多劉生方再出時艱吾道消生也理宜卒仕籍挂吳
銜歸魂依楚只吁嗟三數公祠廟亦云失

同人筆仕得
吳郎擬祠祀

白香山韋左司
袁中郎三賢
尾大豈續貂冠高徒聚鵲燕婉無笄年

戚施乃專室江山亦有命造化本難詰忽忽愴吾神牛
羊下來畢

送琬林妹丈還楚

歸人怯故鄉，戚屬心不展。矧我嚴與慈，憐汝淚猶泣。時
平愴前別，迢遞況兵燹。同歸義足裁，久聚理難遣。宿槩
傍誰門，荒江慎所選。高秋風雨畢，百慮一已免。撥草認
廬廬，披榛求畝畝。卽事豈不傷，明農得往踐。寧如十年
客，正逐一枝轉。汲汲亮孔深，硜硜詎乃淺。君家六卿後，
忠孝事必腆。達識與昧幾，畢竟誰者善。願爲谷中駒，勿
作盆內蘭。浮雲變無涯，游目視以輾。持己略其餘，與子
庶交勉。

奉贈馮畱仙先生

言一
鄴侯九仙骨余夙游其門日聞漢子房磊落道益尊昌
言誰不拜亮節古所敦嘗誦百韻詩坐使清風飈伯仲
見伊呂獨報明主恩季弟復奇材七襄奪天孫嗟余挾
短策日夕將南奔昭王好韓盧騷囊滯長存食梅猶有
酸衣葛猶有溫游子抱耿介天寒蓬無根慷慨見君子
尚吐憂時言

題霜菊卷

殺氣凝不流驚風吹大荒云胡此花色澹定發潭光霜
實使之然誰名爲拒霜

用盡老圃力不肯居暄風九月登草堂十月絕鳴蟲寥

寥四五枝突兀天地中

植根清涼地恐是花中僧以霜爲飲食恆事何足矜亦
如春風吹不數桃李能

閒齋對獨樹落景闌棲鴉座有四方客各無千里家夜
寒催酒看年貌不如花

夏夜聽公允彈洞庭秋思

空館橙花香氣清知雨歇幽懷始相向言笑情未竭取
琴爲我彈湖波漲林樾其夕匪三五頓使燈如月

楚國有君山君山在湖裏西風凋山葉葉下洞庭水落
葉還在湖詎若遠游子十年離故疆悲從朱絲起

言一
不愛唐衢哭不愛韓娥唱愛子一揮手明晦秋萬狀愁
者益以愁曠者益以曠愁曠吾安從單情接幽貺
洋洋復灑灑耿介忽而擎髣髴見孤嶠上有片雲愁俄
散作清風倏戛如鳴球茫茫蹈元化絃指不可求

寓園卽事

暫歸不得息復來叩園荆埽榻恣偃仰深綠怡我情假
寐遂成夢夢醒聞流鶯爲時已中伏宛作春曉聲奈何
雀與鳥努力方爭鳴眾雀旣嘈雜羣鳥尤豪橫坐令好
音阻側耳不分明三嘆推枕起仰視天宇行

我往囑除草我旋草未鋤葵荒亦在眼冥蒙相翳如非

時見醜態遑問種類殊連日資霖潦草長數尺餘中藏蛇與虺豈但蠅蚋陸牽扳蘿葛上勢欲薶芙蕖投足略無徑出入鉤衣裾我心有所觀此草適可除但用一夫力坦然心神舒

累石爲池沼折裂不見水人言此龍脊枯涸良有以我言谷爲陵水自漲都鄙何知雨卒暴淤水忽一指昏濁豈足觀徒惹鳴蛙起什伯相唱和曉夕無停晷其聲頗厭聞彼自以爲美愁人甘一睡聒噪過無理官私何所爲此言殊甚旨使我神不凝夢中亦掩耳翻思雀與鳥鳴尙有時已眼見水速消爾蛙毋太喜

贈孫無言因送之吳門

余與孫子交及今將一紀言念招提游識余及王子于
王子今則亾頽波復誰砥有失誰箴規有善誰歡喜意
忌生戈矛面諛非知己況與論斯文迢迢隔萬里所以
西州慟對君不能已

吾子與眾異奔競爲篇章不埽丞相門惟登處士堂久

要不必言焦穫

豹人

與黃岡新知日輻輳高士不得藏我

無升斗量千頃資汪洋并戒互相勉短中各有長古人
重一言豈必縑盈箱願子少褊隘正復得中行悠悠千
載下長懷虞仲翔

黃山歸未得且復之吳門吳門有何士伊余老友存

金子

孝別來又六載頭白可不論君行必把臂鄭重相與言

復有徐昭法秉心識本原筆力亦矯矯學古窺詞源其
人不可見絕俗逃山樊嘗恐世人知所居非一邨以子
勤訪索當不憂踰垣好士而得士歸來開心魂

落盡廣陵花君始出門去曠然見大江可以洗塵慮春
浪擁金焦奇懷生灩澦痛飲梁谿酒望見虎邱樹愛爾
無機心行行必有遇交道非一端慎勿執詞賦

送王阮亭北上

淮水揚洪波中有沙棠舟借問將焉之北行到幽州秋

風何習習秋雨何淅淅
睠彼舟中人於我交綢繆方當
來作理余適過邗溝官廉忍分俸
自笑余何求干請誠則拙談藪
固其優感君適野性飲啄勤相周
送酒必醇醪推食必精羞勝境必
我招佳句必我投煥時貽我葛
寒時貽我裘記逢人日雪造我吟
窮愁豈獨棄案牘居然忘貴遊
人生意氣合豈在千金酬揮手送
君去此義今悠悠

交友願爲官爲官期顯赫
寧知官愈高於我匪得策豈

伊肝肺殊良由道里隔鄉
余有知己來卜金陵宅

謂淝水先

生汎愛謬親予相依忘蹇厄
一去登三事棄我遂無食

鄙人出門難豈但車不輓誰云長安遠安得生羽翮繼
者獨有君今又入前席煌煌古容臺遷擢潤主客新秋
臨淮水此別非咫尺三復雲龍篇悵望頭更白

田家雜興

勅勅復力力驅牛向東田積雨不傷苗回幹由皇天舉
酒酌先嗇再拜祈豐年

始壯棄書劍垂老成農家二麥既有秋瓜蒌亦作花兒
孫不識字但識桑與麻

大雨水至酤插秧五月中稻苗若剪齊輒碧依綠風老
夫愛看此策杖塍西東

謝公墩懷古

舊識謝公墩今朝一登陟只此數仞邱使我三太息人
言淝水捷天幸非人力我獨謂不然制勝在料敵符堅
喪王猛如鳥去爪翼猛死堅已亡僅存一虛國料敵料
一人百萬何足億無猛而有垂眈眈方蠱惑乘機以斃
讐狡童本英特兵家用眾難前有劉立德堅自來送死
而公早洞識心知小兒輩已足辦此賊所以一盤棋始
終無懼色是固坐照優豈緊浪戰塞惟彼蒼蒼者至險
不可測變易在呼吸成敗由頃刻此舉竟無他謂之天
亦得

周元亮南還以孝升先生送行詩見示依韻和之

苦次不飲酒因不歌烏烏拭淚聞君歸直道幸不孤縱
鳥得樹林舍魚游江湖側耳傲昔聽誰喚蘆中蘆

飛雲向南奔君亦謂之還行路爲君歌君胡有苦顏不
寐在明發哀情劇鄉關寧知兩老人幽笑青冥山

有家不得思忽然爲歸人園草雖未綠出郊已知春手
磨青銅鏡子細照此身周視天壤閒何者謂之貧

赦者偏枯物適復會其時覆盆實見照豈綠蚩尤旗赫
赫中山勳謗書乃自爲功成不受爵惟有彼蒼知

封侯印何似銀鐙今始開淚盡不爲身更著麻衣同死

生信同域天地有異才屈竹一朝伸高於青陵臺
兀兀岸上舟悠悠水中園鬱鬱庭前樹馬嘶無一存昔
聞驚君心今見子不論高天與厚地何日不飛翻
相逢不袞袞相隔長懸懸雨雪弔孤羈風波慶歸船弔
則於斯弔館則於斯館門外桃花開不知是何年
薄夫薄如紙顧謂人無情請看八閩士今同臧洪生歟
口成皋繇安得不稱平舉幡雖往事足令譖者驚

咏史得謝翱

文山殉宋社得士亦不苟炎午祭生前皋羽哭死後不
知西臺上淚血今乾否少陵賦八哀此意若先有所以

晞髮翁遺編燦星斗

三君詠

嵇康人中龍義不可當世視彼盜國臣伎倆如兒戲吐

辭薄湯武千載有生氣臨命索琴彈聊示不屑意

右嵇康

阮藉稟天秀不以物撓真始知禮法外自有純孝人誤

受巨猾知苟以全其身不能救嵇康千載長酸辛

右阮藉

伯倫無佳著乃往僑於酒卧看蚩蚩民日踏橫流走荷

鍤非爲身誓以死相守至哉無能名遙遙接莊叟

右劉伶

紀懷詩

序曰小作歸重言詩其知己之感略存梗概用志不忘

云爾非尋游好不敢未同而言故鉅匠如林未徧及焉

合肥抱眾作如澥王百谷出之復精警玄圃皆積玉幽

憂指誠深歡賞趣彌足呼我飛仙人

孝升有句云于皇詩是飛仙人海月

江烟供咳唾

且慰窮途哭以爾媿古賢遙遙共一轂

孝升龔公

秀水學崆峒雅健以爲期起衰在七言燁然振長離解

官蹇蟄伏築室鄰鷗夷畱我三日談各賦十篇詩悠悠

天壤閒斯音有人知

鑒躬曹公鑒躬得予詩謬有絕倫之嘆

婁江擅長句大力鑄三唐文采錯綺繡聲調諧宮商悲

歌五晦園傳誦何琅琅願予吟草野烏足接混茫

駿公賄予

長歌□一氣元音接混茫想落千峯絕飛鳥

青門蕭史曲讀之斷人腸

駿公吳公

琅瑯實天才落筆如驚電一夕度揚子詩成上下卷金
焦勝東南處處篇中見案牘無稽畱江山邀顧盼紙貴
非一朝吾衰豈元晏

貽上王公貽上
過江集屬余爲序

宣城用心苦達曙嘗不寐廣業信惟勤讀書彌益智鍊
格貴清高造語必精緻贈我孤松篇霜雪化爲字有文

繼曾王曠世一能事

尙白施公尙
白古文極高

錢塘負絕稟舉止故倣儻登高賦遠遊傲然目蒼莽黃

初與建安畏爾在一往謬蒙老友遇獨荷眞才獎

友人
倪開

公歸自江右爲余述眞源每語人云余交
宇內人三十年惟杜于皇足稱眞才耳

想見南池遊

鏗鉤嗣清響

眞源
姜公

祥符焉不學而不惑時蹊青條出素手落日明金梯賴

古見斯人自有笑與啼好余非近體

元亮作長書千言
謬獎余五七古

亦以悟羣迷啾啾老僕吟千載焉含悽

元亮
周公

三原師太青材力信人傑墳典匪不闕蝌蚪化爲血慷

慨賦無衣筆鋒追駟鐵子諒遊九京

王子
諒

徵君疇擊節

長安十丈塵轉爲藏名設

聖秋
韓公

鉅鹿貽我書豈不因三原知音實特達心醉一茶村熟

誦且庭詩學古得其魂敘舊引同籍

猶龍書來叙已卯
同籍序齒大學之

舊此意非寒溫吁嗟蜀道難何由報一言

猶龍
楊公

內鄉甫下車緘詩示杜叟虛襟待品題春陽照初柳罷

官事酬唱商確益不苟自愛綽約姿不留脂粉醜刮目

惟激鮮濁者宜速朽

菊谿許公

溧陽號詞伯鄙製乃手錄

章民手錄余詩一卷逐句丹鉛

古來作者心

所貴不知足寂寞求真聲榮華寄幽獨在昔陳編修千

載互相勗商頌有遺音齊梁豈遐躡

章民馬公

瀨水日吟嘯

即溧水

勤苦常安閒詩成自欣賞不受俗子

刪蒼蒼松柏姿灼灼桃李顏七子匪榮譽無事相牽扳

見末官刑曹人以七子相比輒笑卻之

雅抱疇昔心屈曲我輩閒

見末吳公見

未嘗作白門四子詩謂余與孟貞與治及已

鳳凰臺懷李白

吾愛李太白置酒鳳凰臺空青蓋綺席浩素搖金罍三
山與二水竦峙而滌洄抽豪寫心胸蕩逸不可裁李白
難再得鳳凰還復來

贈別葉桐初

并序

語云以富貴有人易以貧賤有人難諒哉是言矣僕飄
蓬汎梗兀然窮士落落之踪去則忘之耳而桐初不我
遐棄自婁東郡追送依依相與攻苦食淡析義賞文者
又復彌月此殆天下賢者非第才美過人也僕用是感
其意許聯弈世之好而詩以贈其別桐初至婁並以示
同社諸子美斯舉者相與咏之

舉世趨炎炎誰肯就冰雪感子百里來使我屐齒折我
無榮與利流落頭半白舊遊凋謝盡新知款曲絕向來
天下士對面人代隔子年方終賈子識何勇決弱歲尋
嵇公遠繼趙生轍淹留愧窮旅青蔬頓頓設詞賦誤時
髦與子論經術自古垂大名其人多靜拙簡交息馳驚
聞書始明哲風雨暗乾坤雞鳴固不輟骨肉分遂深舅
甥好斯結今辰復何辰吾子起言別愁日亦何駛回首
已破月鬱鬱樓前樹見落來時葉游處自婁東計日將
二百處處共烽煙辛苦焉可說子歸了租稅禾中又騷
屑嬭慈正倚閭定省那久缺側耳兵過稀吾亟返南國

前期尙未遙出處爲子策

捷兒從江陰歸金陵

今秋喪汝兄悲緒非一端出淚防眼枯忍淚傷心肝八月望汝來直至十月殘來時已絕望徒然劇辛酸繞膝一月餘其苦非承歡旱冬水道絕意外謀歸鞍誰無歲暮心汝父歸獨難節序久不知世事吾何歎老骨挫霜雪復念稚子寒孤孫尙乳臭哀慕豈足觀天涯十八口寄書誠加餐宛轉過梁谿從此路漫漫旅卦慎童僕今又危弗安奔迫爲先人遑恤衣裳單汝歸念汝父何以

對椒盤

尋第五泉

人代百務繁山中一泉躍素友宛具舟遊子欣出郭騰
騰陰霧霽汨汨早潮落蒙翳經法雲聊自意所略寺名
自劉宋水味異漿酪躬汲愧沈深獨醒知澹泊寧居第
五名不受蹀躞爵飲罷祛塵機意遠陟□閣望眼竟有
涯寸心忽無託悠然來去情誰知哀與樂

春日雨中讀班史有述

春雨積行潦出門防馬蹄無食且堅坐史冊惟所稽胡
建斬御史不直縛一雞其謀倣冒頓順逆用不齊捐之
出讜言萬里息鼓鼙云胡頌石顯末路逢鬼迷王孫秉

確識羸葬本不奇
孽俗固羣愚反謂賢達癡
卓哉梅子眞天骨
元嶽崎胸藏俶儻畫上書
陳憂危王莽一枋政
妻子棄若遺九江與吳門
山顛復水涯神仙不可學
忠憤忽得之不然歆與豐
雖壽不如龜斯人信貞吉
去就無不宜掩卷再三嘆
千載公吾師快心有如此
何必聽黃鸝

石頭城西修竹巷
看牡丹和魏惟度韻

羣綠交青陰下爲流水
源危梁架一板免通車
馬繁名花處其下奇麗不
可言時俗絕眞賞花自銷
花魂豈有興慶池而笑給
孤園清平調無幾識者寧
輕論

遊夾山漾

出塢謝羣賢放舸理長嘯煙岫映澄波始知所歷妙林
壑羅秋婆紫翠冑寒照蘋汀欲爲雪楓岸忽如燒目逐
絕鏡往意愜佳氣要層峰何嬋娟灣環亦窈窕泛漾疑
江湖回帆復蘿蔦面面見道場一一起憑弔尋幽不覺
遲歸晚顧而笑石門免見訶登樓感同調

九日一草亭時將與天章別感賦十六韻共用日字
秋深雨廉纖意外晴此日薄雲雖未歸解散已可必危
坐傷我懷雅意不欲出歛聞良友招不待盥漱畢登高
一草亭豈在山岑律幽人先入座鳴琴未離郝盤榻但

隨時盃香帶橙橘暫覺百慮蠲遊從任疏密叢菊花故
遲黃蕊苞漸茁籬蔓弱迎霜宛結小紅實獨感薜荔枝
來時伴蘭栗於今已扶疏殘陰映綃帙白頭久飄零俗
態如蟣蝨遙遙三令節過眼亦何疾念此動哀腸匪第
憶家室悵別方自茲歌笑忽如失

春孟同匡侯孝威孟新致巢諸子怡園分韻

芳草猶未遍嬌鶯亦未啼春風滿園景歛吹使人迷偕
我二三友樂此赴招攜輕陰幕華筵焉知白日西矧復
繼明燭所未聞晨雞歡來好沈飲往往醉如泥主人本
風雅欣然請命題愛爾綠梅花庭前好端倪林扇如可

叩吾將再杖藜

二月十二日李匡侯招同鄧孝威范汝受於高座上人
房同用青字是日郊外仙子甚閒

晨起憶夙約乘霽遊郊垞道路何擁塞皆言求仙靈仙
靈如可求秦漢有遺型我自愛陶潛近亦慕劉伶達人
具尊酒蕭寺埽閑庭梅花雖已殘猶勝客飄零芳草有
奇氣人煙爲之青緇素四五人談笑都忘形咫尺有喧
卑隔絕不入聽寧知真炳朗乃在古沈冥奈何白日下
夢者更不醒

春日登橋西亭子讌遊因望冶城一帶同諸公限韻

春遊趁久晴晴久遊亦極故人屢見招亭子今復卽輕
風翼和煙澹宕不須息草氣雜花香花光侵草色弱柳
喜未深幾日鶯梭織芳筵對林杪坐覺遠景逼招提最
繁盛不減元都植陽崖閑陰嶺繡錯互相得亭亭堵窳
城衆中表其特騁望懷謝公畱墩青易識愛爾一棋局
兒輩已破賊太白昔飛杯治城在左側具眼識汾陽再
造大唐國風流自有真豈第弄文墨嗟我竟奚爲竝失
羈旅職二子縱可三白首焉能黑不如倒殘尊醉臥鍾
山北

詩一

黃岡陶炯照校